

WorkFirst

waxa uu kuu gargaarayaa si aad
naftaada iyo qoyskaaga u gargaartid.



Adeegyada WorkFirst

Adeegyada WorkFirst ayaa aad heli kartaa si ay kaaga gargaaraan xaaladda ku-meel-gaadhsiiska ah ee aad ku jirtid. Waxa aanu halkan u joognaa in aanu kaa gargaarno si aad shaqo u heli lahayd ee aad u haysan lahayd. Waxa aan kaa gargaari karnaa in aad ogaatid:


- Farsamooyinka shaqo, awoodaha iyo xiisaha aad leedahayd
- Shaqooyinka laga heli karo aaggaaga

Laakiin waa in aad adiguna qabatid qaybtaada. Waalidka aan ka qaybgalin barnaamijka WorkFirst waxay halis u yihiiin in uu ka lumo gargaarka kaashka ah ee la siiyo.

**“Shaqo waa
habka ugu
fiican ee ay
qoysasku kaga
bixi karaan
qoolka faqriga.”**

Maamule Gobol Christine O. Gregoire
10-kii Bishii Kow iyo Tobnaad 2005

Fursadaha WorkFirst



Ma doonaysaa in aad u xoogsato nolosha qoyskaaga?

WorkFirst waxa uu kaa gargaari karaa in aad shaqeysatid lacag ku filan in aad ku quudisid caruurtaada. Wuxuu aanu haynaa fursado badan oo kuu banaan oo ay ku jiraan:

- Gargaar lagaa siiyo helidda shaqo
- Tababar iyo waxbarasho
- Shaqooyin bulsho (waayo-aragnimo shaqo oo lacag lagugu siinayo)
- Waayo-aragnimo shaqo
- Gargaar lagaa siiyo kharashka shaqada, sida gaadiidka iyo sii-haynta ilmaha

Shaqadu Waa Lacag!

Shaqadu way ka fiican tahay gargaarka dawladda (welfare).

**Marka aad jeeg mushahar guriga keentid,
waxyaabo intii hore ka badan ayaad u iibin kartaa qoyskaaga!**

Gargaarka Dawladda (Welfare)

\$562.00 bishii*

Jeeg Mushahar

\$1,376.00 bishii

(marka la qaato \$8.00 saacaddii lana
shaqeeyo 40 saacadood todobaadkii)

*qoys ah saddex qof

Qiimeyn Shakhsiyeysan oo Dhameystiran

Hel qiimeyn shakhsiyeysan oo dhameystiran oo ay bixiyaan koox xirfadley ah.


Waa qiimeyn:

- Kaa gargaari doonta in aad garatid adeegyada iyo hawlahaa uu bixin karo WorkFirst si lagaaga gargaaro in aad gaadhid hadafyadaada shaqo.
- Qiimeyn doonta waxbarashadaada iyo baahidaada tababar iyo xiisahaaga.
- Kaa gargaari doonto in aad garatid farsamooyinkaaga iyo meelaha aad xoog ku leedahay.
- Kaa gargaari doonta in aad soo saartid hadafyadaada shaqo ee mudo gaaban – iyo mudo dheer.
- Ku siin doonta war ku saabsan shaqo-bixiyeyaasha beeshaada.

Gargaar Lagaa Siiyo Helista Shaqo

Shaqaale adeeg shaqo oo xirfadley ah ayaa kula shaqeyn doona si:

- Aad u ogaatid war qiime leh oo ku saabsan xiisahaaga iyo farsamooyinkaaga shaqo.
- Aad u sameysatid warqad taariikh shaqo (resume) oo aad shaqo ku heli kartid.
- Aad tababar ugu qaadatid habab wareysi oo waxtarkooda la xaqiijiyay.
- Aad u ogaatid shaqo-bixiyeyaasha shaqaale qaadanaya.
- Laguugu xidho shaqooyinka ugu mushaharka badan ee aad u qalantid.
- Aad kalsooni u dareentid marka aad la kulantid ee aad la falgashid shaqo-bixiyeyaasha.



Waxbarashada iyo Fursadaha Tababar

U fur albaabka shaqo helid iyo horumar xirfadeed oo shaqeyso lacag intii hore ka badan.

- Dhamee dugsiga sare ama hel GED.
- Hagaaji Ingiriisigaaga, akhriska, qorista iyo xisaabta adiga oo galaya waxbarashada aasaasiga ah ee dadka waaweyn (adult basic education) (ABE) ama Ingiriisi Af Labaad Ahaan (English second-language) (ESL).
- Baro farsamooyin shaqo oo cusub adiga oo galaya barnaamijyo xirfadeed, tekniko ama farsamo gacmeed.
- Wax ka baro gargaarka dhaqaale iyo adeegyada taageerada ardayda.



Si aad war dheeraad ah u heshid, booqo koleejka beesha ee degmada ama koleejka farsamada ama la hadal maamulaha faylkaaga ee DSHS.

Shaqooyinka Beesha – waayo-aragnimo shaqo oo mushahar leh

Shaqooyinka Beeshu waxay ku siin doonaan fursad:

- Aad ku heshid farsamooyin shaqo oo waxtar leh adiga oo jooga goob shaqo oo mushahar leh.
- Aad u hormarisid farsamooyinkaaga goobta shaqada si aad isugu diyaarisid shaqooyin mustaqbalka.
- Lagaaga gargaaro in aad u maareysid si ka fiican sidii hore caqabadaha noloshaada hor yaala.
- Aad u heshid fursado tababar iyo waxbarasho inta aad shaqeynaysid.
- Aad u baratid qalabka adiga iyo qoyskaaga ka gargaari doona in aad ka baxdaan TANF.



Wixii war dheeraad ah kala xidhiidh Maamulaha Faylkaaga.

Ganaax

Barnaamijka WorkFirst waxa uu bixiyaa taageero iyo adeegyo badan si laguu gargaaro inta aad ku jirtid xaaladda ku-meel-gaadhsiiiska ah. Waa in aad ka qaybgashid barnaamijka oo aad ka faa'iideysatid taageerada loo qorsheeyay in lagugu gargaaro si aad shaqo u heshid oo aad u haysatid. Haddii aad dooratid in aanad ka qaybgalin, waxa aad halis u tahay in uu kaa lumo gargaarka kaashka ah ee dawladdu ku siiso.

Waxa aanu doonaynaa in aanu kaa gargaano sidii aad qorshe ka sii fiican kii hore ugu dhisi lahayd naftaada iyo qoyskaaga, laakiin waa in aad adiguna qabatid qaybtaada.



Sii-haynta Ilmaha

- Waxa aanu gargaar ka geysan karmaa bixinta lacagta sii-haynta ilmaha inta aad shaqeynaysid, ama marmarka qaarkood, inta aad dhiganaysid dugsiga.
- Kaliya waxa lagaa rabaa in aad bixisid qayb ka tirsan kharashka sii-haynta ilmaha, taasoo qoysaska qaarkood, u ah lacag aan ka badnay \$15.00.
- Waxa jira dhawr nooc oo kala duwan oo ah sii-hayeyaal ilmo oo la kala dooran karo.

Si lagaaga gargaaro helista sii-haye ilmo oo liisan leh wac Child Care Resource and Referral Agency oo laga wici karo:

1-800-446-1114

Taageero Shaqo

Adeegyada taageerada WorkFirst waxay kaa bixinayaan waxyaabaha aad u baahan tahay si aad u shaqeysid, u raadisid shaqo, ama isugu diyaarisid shaqo.

Adeegyada taageerada waxa ku jiri kara:

- Gaadiid (kaadhka baska, gaas).
- Dharka wareysiga iyo shaqada.
- Aaladaha iyo qalabka.
- Kharashka kale ee shaqo sida kharashka liisanka wadista baabuur weyn oo ganacsi.

Fadlan la xidhiidh shaqaalahaga si aad u heshid war dheeraad ah.

Warka Qorsheynta Qoyska

Aynu ka hadalno sababta Qorsheynta
Qoysku muhiim u tahay!

Waxa aad go'aan ku gaadhi kartaa marka aad diyaar u tahay in aad heshid ilmo kale. Qorsheynta qoysku waxay ku siinaysaa dooraasho iyo xukun aad ku xukuntid mustaqbalkaaga dhaqaale.

- Kalkaaliso qorsheyn qoys ayaa laga heli karaa xafiiskaaga ama khadka warka ayaad isticmaali kartaa si aad u heshid war dheeraad ah.
- Waxay kalkaalisu kuu sharixi kartaa hababka qorsheynta qoyska ee la heli karo si aad go'aan uga gaadhid waxa sida ugu fiican kuugu shaqeynaya.
- Kaadhkaaga caafimaadka ayaa kaa bixinaya lidka-uurka ee dhakhtar qoro, lidka-uurka ee degdeggaa ah, iyo qaar ka mid ah hababka qorsheynta qoyska qaarkood.

Khadka Warka Qorsheynta Qoyska

1-800-770-4334

Fiirooyinka iyo lambarada teleefonada:

Maxaa ligu Jira Aniga?

Barnaamijka Adeegyada Shaqada ee WorkFirst wuxuu siiyaa lacag iyo adeegyo qoysaska ka baxa TANF ee ugu yaraan shaqeeya 30 saacadood toddobaadkii. Adeegyada iyo macluumaadka qaarkood ayaa kala geddisan min xafiis ilaa xafiis laakiin waxa ku jira:

- Fursado lagu helayo tababar oo lagu baranayo xirfado cusub.
- La-talin, tababarid, iyo la-tashi shaqo-gelid.
- Macluumaadka ilaha:
 - Casharada Maaraynta Lacagta
 - Qiimaynta Xirfada Shaqada
 - Macluumaadka Suuqa Shaqaalaha
 - Ilaha Bulshada – Baangiyada Cuntada, Gargaarka Isticmaalka Biyaha, Korontada iyo Gaaska, Barnaamijyada Waxqabadka Bulshada

Lacag ayaa lagugu siinaya ka-qaybqaadashada! Waa kan waxaad helaysaa:

- \$50 bishii 6 bilood, *iyo*
- \$150 gunno ah markaad is-qorto, *iyo*
- \$100 gunno ah markaad la kulanto Lataliyaha Shaqaalaynta WorkSource muddada bilaha 4ad iyo 5ad ee barnaamijka. **Halkaas waxa suurtagala \$650!**

Waxa jir wax kale oo badan. Macluumaad dheeraad ah waxaad wici kartaa xafiiskaaga maxaliga ee WorkSource.

Fiiri www.wa.gov/esd/wsdirectory_local.htm si aad u hesho xafiiska kuugu dhow.

Taageerada Ilmaha

Waxa Taageerada ilmaha:

- Laga soo ururin karaa waalid aan la noolayn ilmaha.
- Ay kaa gargaari kartaa in aad madax-banaani heshid.
- Ay ilmahaaga ka gargaari kartaa in ay helaan nolol ka sii fiican.
- Ay ku siin kartaa lacag dheeraad ah oo aad ku iibsatiid dhar, cunto, iyo waxyaabo kale oo muhiim ah.

Fadlan la hadal Sarkaalkaaga Fulinta Taageerada Ilmaha haddii aad qabtid su'aalo, ama wac:

1-800-442-5437

Warka Budhcadnimada Qoyska Dhexdiisa

- Ma jiraa qof waxyeelo kugu haya ama waxyeelo ma laguu geystay?
- Ma rabtaa in lagaa gargaaro sidii wax looga qaban lahaa qof kugu haya hanjabaad ama dabo-gal kugu haya?
- Ma ka walwalsan tahay in ka-qaybgalka hawlahaa WorkFirst ee caadiga ah ama qaadashada taageerada ilmaha ama masruufka ilmaha ay halis kugu noqon karto ama ay nolosha ku sii adkeyn karto adiga ama caruurtaada?

Haddii ay sidaa tahay, waxa aanu kuu gudbin karnaa dad ku gargaari kara si aad u qorsheysid amaankaaga, oo ku siin kara taageero niyadeed oo joogto ah, oo kugu xidha adeegyo kale oo faa'iido leh.

Waxa kale oo laga yaabaa in aanu kaa dhaafno hawlahaa shaqada iyo soo-ururinta taageerada ilmaha – fadlan la hadal shaqaalahaaga si aad u heshid war dheeraad ah.

Waxa kale oo aad la xidhiidhi kartaa Khadka Warka ee Gobolka oo Dhan ah ee Loogu Talogalay Budhcadnimada Guriga Dhexdissa (Statewide Domestic Violence Hotline) oo ah 1-800-562-6025 si aad u heshid war, gudbin, iyo taageero. Wicitaanada la waco khadka warka waa bilaash iyo qarsoodi.

Ma ka Tagaysaa WorkFirst?

Waxa aad gargaar heli kartaa marka aad ka tagtid WorkFirst

Gargaarka Cuntada Xilliga Kala-guurka (Transitional Food Assistance)

- Waxa aanu kuu sameynaynaa gargaar cunto oo sugaran ilaa 5 bilood

Dheereynta Gargaarka Caafimaadka

- Dabool caafimaad oo la ballanqaaday mudo ah 6 bilood haddii aad soo shaqeysatid jeeg mushahar (waxana laga yaabaa in lagu siiyo ilaa 12 bilood)

Adeegyo Taageero

- Waxa laga yaaba in laguu heli karo haddii aad codsatid ilaa mudo ah 6 bilood

Hoy ah HUD

- Gargaar lagaa siiyo helista hoy kharash yar

Soo-ururinta Taageerada Ilmaha

- Waxa aanu wali soo ururin karnaa taageerada ilmaha, laakiin imminka adiga ayaa qaadan doona!

Sii-hayn Ilmo

- Waxa wali laga yaabaa in aad heshid sii-hayn ilmo haddii aad shaqeysid

Tababar iyo Waxbarasho

- Iyada oo la marayo koleejka beesha iyo farsamada ee degmadaada

Gargaar lagaa siiyo helista shago ka sii fiican

- Tag xafiis kasta oo ah WorkSource

Cashuur Ka-dhaafid Dhakhliga la Shqeystay (Earned Income Tax Credit) (EITC)

- Cashuur ka-dhaafid loogu talogalay qoysaska shageeva ee dhagaalahoodu hooseevo

LIHEAP

- Gargaar lagaa siiyo kharashka kulaylinta iyo gaboojiinta quriga

Illaha Adeegyada Degmada

Rugta internetka ee WorkFirst:

www.workfirst.wa.gov/



Rugaha Internetka ee Degmada:

www.localhelp.com



- Goobaha Bixiya Cunto ee Degmada
 - Xidhiidhyada Degmada
 - Kiliinigyada Caafimaadka ee Degmada
 - Taageerada Ilmaha iyo Illaha Adeeqyada Degmada

Wixii war dheeraad ah:



 Washington State
Department of Social
& Health Services

DSHS 22-1125 SM (Rev. 6/08)